

ԱՐՁԱՆԱԳՐՈՒԹՅՈՒՆ

« 23 » հունվարի 2018թ.

գ. Շահումյանի թ/ֆ

2018 թվականի հունվարի 23-ին կայացավ ՀՀ Արմավիրի մարզի Շահումյանի թ/ֆ համայնքի անդամների ընդհանուր նիստը՝ համայնքի ղեկավարի կողմից 2017 թվականի ընթացքում իրականացված աշխատանքների վերաբերյալ: Նիստին մասնակցում էին համայնքի 17 անդամներ, ավագանու անդամներ, մանկավարժներ, համայնքապետարանի աշխատակազմի անդամներ:

Նիստին մասնակցում էր մարզպետարանի աշխատակազմի ղեկավար Փառանձեմ Կարապետյանը:

Նիստը վարում էր Շահումյանի թ/ֆ համայնքի ղեկավարի պաշտոնակատար Լիլյա Ղասաբյանը, արձանագրումն իրականացնում էր համայնքապետարանի աշխատակազմի քարտուղարի փոխարինող Ջուլիետա Կոչկերյանը:

ՁԵԿՈՒՑՈՒՄ

ՀՀ Արմավիրի մարզի Շահումյանի թ/ֆ համայնքի ղեկավարի կողմից 2017 թվականի ընթացքում կատարված աշխատանքների վերաբերյալ

23.01.2018

Հարգելի համայնքի բնակիչներ և հյուրեր.

ՀՀ Արմավիրի մարզի Շահումյանի թ/ֆ համայնքապետարանը ղեկավարվելով «Տեղական ինքնակառավարման մասին» Հայաստանի Հանրապետության օրենքի պահանջներով՝ ձեր ուշադրությանն է ցանկանում ներկայացնել 2017 թվականի ընթացքում իրականացված աշխատանքների վերաբերյալ տեղեկատվությունը՝ ըստ առանձին բնագավառների:

Համայնքն ունի 293.78 հա հողատարածք, որից 214.06 հա գյուղատնտեսական նշանակության են: Բնակչության թիվը համայնքում կազմում է 1219 մարդ, տնտեսությունների քանակը՝ 214: 2017 թվականի ընթացքում համայնքում ծնվել են 10 երեխաներ:

Համայնքապետարանը կազմակերպել է և Ազգային վիճակագրական ծառայության Վաղարշապատի տարածքային բաժին է ներկայացրել աշխատակազմի միջոցով իրականացված անասունների գլխաքանակի և ցանքատարածությունների հաշվառումը, յուրաքանչյուր ամսվա ստացած բերքի հաշվառման ցուցանիշները, աշնանացան և գարնանացան ցանքատարածությունների բերքատվության ամսական արդյունքները:

Սոցիալ-տնտեսական բնագավառ

Շահումյանի թ/ֆ համայնքապետարանը 2017 թվականի ընթացքում կազմակերպել է որոշակի աշխատանքներ՝ համայնքի բնակչության սոցիալ-տնտեսական վիճակի բարելավման նպատակով: Հնարավորության սահմաններում համայնքի բյուջեի հաշվին իրականացվել են սոցիալապես անապահով ընտանիքներին ֆինանսական օգնություն ցուցաբերելու

աշխատանքներ: 2017 թվականի ընթացքում Շահումյանի թ/Ֆ համայնքի 68 անապահով բնակիչների տրվել է դրամական օգնություն: Դրամական օգնությունը տրվելիս հաշվի է առնվել համայնքի բնակիչների սոցիալական վիճակը, որն ուսումնասիրվել և համապատասխան եզրակացությամբ համայնքի ղեկավարին գեկուցվել է համայնքի սոցիալական հանձնաժողովի կողմից: Շահումյանի թ/Ֆ համայնքի ղեկավարին ուղղված բոլոր բնակիչների դիմումները քննության են առնվել ավագանու անցկացրած նիստերում:

2017 թվականի ընթացքում համայնքի բյուջեից գումար է հատկացվել Շահումյանի միջնակարգ դպրոցին՝ Շահումյանի թ/Ֆ համայնքի սոցիալապես անապահով ընտանիքների երեխաների դասագրքերի վարձավճարները հատուցելու նպատակով: Հատկացվել է շուրջ 25 երեխայի դասագրքերի վարձավճարի գումար:

Անհրաժեշտության դեպքում համայնքապետարանը սոցիալապես անապահով պայմաններում ապրող որոշ ընտանիքների աջակցել է պետության կողմից տրվելիք նպաստների ստանալուն:

Համայնքում մեծ ուշադրություն է հատկացվում երիտասարդներին, նրանց համար հետաքրքիր միջոցառումների կազմակերպմանը: Փետրվար ամսին կազմակերպվել է միջոցառում համայնքի երիտասարդների համար, որի ժամանակ համայնքի նորապսակ զույգերին տրամադրվել են նվերներ ոսկյա մատանիների տեսքով: Դեկտեմբեր ամսվա վերջին Ամանորի առթիվ կազմակերպվել է միջոցառում, որի ժամանակ համայնքի 0-12 տարեկան բոլոր երեխաներին բաժանվել են նվերներ՝ Ամանորի տոպրակների տեսքով:

Քաղաքաշինության և կոմունալ տնտեսության բնագավառ

2017 թվականի ընթացքում համայնքում պարբերաբար իրականացվել են աղբահանության աշխատանքներ: Ապրիլ, մայիս և հուլիս ամիսներին բնակիչների հետ կազմակերպվել է շաբաթօրյակ:

Վերանորոգվել են համայնքի Ավան թաղամասի ոռոգման ջրի ջրատար առուները:

Նաև սիստեմատիկ իրականացվել է փողոցների լուսավորության աշխատանքը: Վերանորոգվել է համայնքի լուսավորության ցանցը:

Մասամբ վերանորոգվել են նաև գյուղամիջյան ճանապարհները: Ճանապարհների փոսերը լցվել են խճաքարերով:

Պաշտպանության բնագավառ

Աջակցել ենք նաև Էջմիածնի զինվորական կոմիսարիատի գործունեությանը՝ տրամադրելով հնարավոր բոլոր անհրաժեշտ տեղեկությունները և փաստաթղթերը համայնքում զորակոչի ենթակա անձանց վերաբերյալ:

Ֆինանսների բնագավառ

Հաշվետու տարվա ընթացքում օրենքով սահմանված կարգով Շահումյանի թ/Ֆ համայնքապետարանի աշխատակիցների կողմից կազմակերպվել են նաև հողի հարկի, գույքահարկի, տեղական տուրքերի հավաքագրման և վերահսկման աշխատանքներ: Ստորև ներկայացնում ենք բյուջեի կատարողականին վերաբերող տեղեկություններ.

1. Վարչական բյուջեի եկամուտների կատարողականը կազմում է 110.2%:

2. Հարկային եկամուտների ընդհանուր կատարողականը 133.8% է, որից հողի հարկ՝ 100.3 %, գույքահարկը՝ շենքերի - շինություններինը՝ 102.9 %, փոխադրամիջոցներինը՝ 143.8 %:
3. Ոչ հարկային եկամուտների մեջ գույքի վարձակալությունից գանձված վարձավճարը կազմում է 100%:
4. Տեղական տուրքը գանձվել է 130.7%:
5. Համայնքի բյուջեի ծախսերի կատարողականը կազմում է 92.6 %:
6. Համայնքի բյուջեի եկամուտներից սեփական եկամուտների կատարողականը կազմում է 202.6 %:

Համայնքապետարանն օգտագործել է բոլոր հնարավորությունները համայնքի բնակիչների կողմից բարձրացված հարցերին սպառիչ պատասխաններ տալու գործում, քանի որ վերջիններիս հետ մշտապես գտնվում է անմիջական շփման մեջ: Հնարավորությունների սահմանում աջակցել ենք բնակչությանը այլ հիմնարկ-ձեռնարկությունների հետ ունեցած խնդիրների համահարթեցմանը՝ ցուցաբերելով խորհրդատվական օգնություն, ինչպես նաև ապահովել է նրանց փաստաթղթային շրջանառությունը, լինի դա տեղեկանքների, թե այլ փաստաթղթերի տեսքով: Շուրջ 215 բնակիչներ հաշվետու տարվա ընթացքում ստացել են բազմաբնույթ բովանդակությամբ տեղեկանքներ:

2017 թվականի ընթացքում Շահումյանի թ/Ֆ համայնքապետարան տարբեր հիմնարկություններից մուտքագրվել են շուրջ 277 պաշտոնական բազմաբնույթ գրություններ, որոնք պատասխանվել են ըստ անհրաժեշտության:

Նաև օրենսդրությամբ սահմանված կարգով Հայաստանի Հանրապետության արդարադատության նախարարություն ենք ուղարկել համայնքի զարգացման հնգամյա ծրագիրը, բյուջեի փոփոխությունները, համայնքի բյուջեի կատարման տարեկան հաշվետվությունը, տեղական տուրքերի դրույթաչափերը, համայնքի բյուջեն, համայնքի սեփականություն հանդիսացող գույքի աճուրդային կարգի իրացման, հողամասերի ուղղակի վաճառքով վաճառելու կամ օգտագործման իրավունքով մրցույթով տրամադրելու կանոնակարգը հաստատող որոշումների փաթեթները՝ պետական իրավական փորձաքննության ենթարկելու համար, իսկ հողային հաշվեկշիռը գործող օրենսդրությանը համապատասխան ուղարկել ենք ՀՀ ԿԱԱԳ կադաստրի պետական կոմիտեի մարզերի միավորված ստորաբաժանում՝ վերջիններիս համաձայնեցումը ստանալու նպատակով: Ցանկացած նորամուծություն օրենքի բնագավառում, որը վերաբերում է համայնքի բնակիչների առջև դրված հիմնախնդիրների լուծմանը, հողի հարկի և գույքահարկի, տեղական տուրքերի մուծմանը, ինչպես նաև այլ կարևոր հարցերի, բնակիչներին տեղեկացրել են Շահումյանի թ/Ֆ համայնքապետարանի աշխատակիցները:

Համայնքի ղեկավարությունը նոր՝ 2018 թվականի ընթացքում նախատեսել է իրականացնել աշխատանքներ՝ ի նպաստ համայնքի զարգացման:

Շահումյանի թ/Ֆ համայնքի ղեկավարի պաշտոնակատար՝



(Handwritten signature in blue ink)

Լիլյա Ղասաբյան

ԳՅՈՒՂԻ ՀԻՄՆԱԽՆՆԴԻՐՆԵՐԸ

Համայնքի համար առաջնահերթ լուծման խնդիր է հանդիսանում գազաֆիկացման հարցը: Համայնքի մոտ 30 տնտեսություն գազաֆիկացվել է Շահումյան գյուղի գազի բաժանարար կետից: Որպեսզի Շահումյանի թ/ֆ համայնքը գազաֆիկացվի, առաջին հերթին համայնքին անհրաժեշտ է գազի նոր բաժանարար կետ, որը կապահովի համայնքի մնացած բնակիչների տները գազաֆիկացնելու: Սա շատ տարողունակ և գումար պահանջող խնդիր է, որի լուծման համար խնդրվում է մարզպետարանի աջակցությունը:

Առաջնահերթ հիմնախնդիր է նաև համայնքի կոյուղագծերի վերանորոգման հարցը:

Մեզ համար կարևոր խնդիր է հանդիսանում նաև համայնքում մանկապարտեզի բացակայությունը: Հիմնախնդիր է նաև համայնքի կենտրոնական ճանապարհի ասֆալտապատման աշխատանքները:

Շահումյանի թ/ֆ համայնքի ղեկավարի պաշտոնակատար



Լիլյա Ղասաբյան

« 23 » հունվարի 2018թ.